

10. Opasne po okoliš u kombinaciji sa supstancama veoma toksičnim za akvatične organizme, u količinama od 100 do 200 t,
11. Opasne po okoliš u kombinaciji sa supstancama toksičnim za akvatične organizme i supstancama koje prouzrokuju dugotrajne negativne efekte u vodnim ekosistemima, u količinama od 250 do 500 t,
12. Bilo koja klasifikacija koja nije uključena u gore navedenim kategorijama u kombinaciji sa supstancama koje burno reaguju sa vodom, u količini od 50 do 100 t,
13. Bilo koja klasifikacija koja nije uključena u gore navedenim kategorijama u kombinaciji sa supstancama koje u kontaktu sa vodom oslobađaju toksične plinove, u količinama od 25 do 50 t.

Član 7.

Organ nadležan za izdavanje rješenja o urbanističkoj saglasnosti za pogone i postrojenja propisane ovim Pravilnikom, obavezan je dostaviti primjerak rješenja o urbanističkoj saglasnosti Ministarstvu, radi ostvarivanja nadzora nad primjenom uslova utvrđenih okolinskom dozvolom.

Član 8.

Pogoni i postrojenja iz člana 3. ovog Pravilnika za koje su izdate dozvole prije stupanja na snagu ovog Pravilnika, moraju podnijeti zahtjev za izdavanje okolinske dozvole najkasnije do 2010. godine u skladu s člana 44. stav 4. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i čl. 23. i 55. Statuta Općine Ilijaš ("Službene novine Kantona Sarajevo", broj 7/98, 9/01 i 17/04), Općinsko vijeće Ilijaš, na sjednici održanoj 25. septembra 2008. godine, donijelo je

ODLUKU

O USVAJANJU REGULACIONOG PLANA "LUKE"- ILIJAŠ

Član 1.

Usvaja se Regulacioni plan "Luke" - Ilijaš (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

Uvod

1. Obuhvat i površina
2. Izvod iz plana šireg područja
3. Postojeće stanje
 - 3.1. Prirodne karakteristike
 - 3.1.1. Geografski položaj
 - 3.1.2. Geomorfološke karakteristike terena
 - 3.1.3. Hidrogeološke karakteristike terena
 - 3.1.4. Geološka grada i tektonski sklop terena
 - 3.1.5. Seizmičnost terena
 - 3.1.6. Savremeni egzogeni geološki procesi i pojave
 - 3.1.7. Stabilnost terena
 - 3.1.8. Kategorizacija terena prema pogodnosti za građenje
 - 3.1.9. Geotehnički uslovi projektovanja i preporuke za fundiranje objekata
 - 3.1.10. Klimatske karakteristike
- 3.2. Stvoreni uslovi
 - 3.2.1. Stanovništvo i domaćinstva

III - TROŠKOVI

Član 9.

Sve naknade i troškove koji mogu nastati u postupku izdavanja okolinske dozvole snosi podnosilac zahtjeva.

Visinu naknade i troškova utvrđuje resorni ministar posebnim rješenjem.

IV - PRIJELAZNE I ZAVRŠNE ODREDBE

Član 10.

Stupanjem na snagu ovog Pravilnika prestaje važiti Pravilnik o pogonima i postrojenjima koji mogu biti izgrađeni i pušteni u rad samo ako imaju okolinsku dozvolu ("Službene novine Kantona Sarajevo", br. 19/04 i br. 5/05).

Član 11.

Svi neriješeni zahtjevi podneseni Ministarstvu prostornog uređenja i zaštite okoliša Kantona Sarajevo rješavat će se po odredbama ovog Pravilnika.

Član 12.

Ovaj Pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 05-02-28087
8. oktobra 2008. godine
Sarajevo

Ministar
Abid Jusić, s. r.

- 3.2.2. Građevinski fond
 - 3.2.3. Opremljenost naselja objektima društvenog standarda
 - 3.2.5. Kulturno - istorijsko i prirodno naslijeđe
 4. Projekcija organizacije korištenja i uređenja prostora
 - 4.1. Koncept prostorne organizacije
 - 4.2. Namjena površina
 - 4.3. Privredni kapaciteti
 - 4.4. Individualni stambeni i stambeno-poslovni objekti
 - 4.5. Kapaciteti društvene infrastrukture
 - 4.6. Zaštitno zelenilo i rekreacija
 5. Odnos prema postojećem građevinskom fondu
 6. Urbanističko-tehnički pokazatelji
- Grafički dio sadrži:**
1. Izvod iz Prostornog plana Kantona Sarajevo za period od 2003. do 2023. godine . . . 1:5000
 2. Ažurna geodetska situacija obuhvata regulacionog plana 1:1000
 3. Inženjersko-geološka karta 1:2000
 4. Postojeće stanje - spratnost, kategorija i namjena objekta i ograničenja prostoru 1:1000
 5. Posjedovno stanje 1:1000
 6. Namjena, razmještaj i spratnost objekata
 - urbanističko rješenje 1:1000
 7. Namjena površina 1. :1000
 8. Mreže regulacionih i građevinskih linija sa prijedlogom plana parcelacije 1:1000

Član 3.


Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilijaš i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 05-23-1210/07
25. septembra 2008. godine
Ilijaš

Predsjedavajući
Općinskog vijeća Ilijaš
Petar Ilić, s. r.



Na osnovu čl. 29. i čl. 47. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i čl. 23. i 55. Statuta Općine Ilijaš ("Službene novine Kantona Sarajevo", broj 7/98, 9/01 i 17/04), Općinsko vijeće Općine Ilijaš, na sjednici održanoj 25. septembra 2008. godine, donijelo je

ODLUKU

O PROVOĐENJU REGULACIONOG PLANA "LUKE" - ILIJAŠ

Uvod

Član 1.

Ovom Odlukom uređuje se uslovi korištenja, izgradnje, uređenja i zaštite prostora na prostornoj cjelini za koju se Regulacioni plan "Luke" - Ilijaš (u daljnjem tekstu: Plan) a naročito: granice prostorne cjeline, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih i slobodnih površina, te odnosi prema postojećim objektima i uslovi pod kojim se pojedine djelatnosti mogu obavljati u planiranom prostoru i druge odredbe kojima se uređuju odnosi u prostoru.

Granice prostorne cjeline

Član 2.

Granica obuhvata polazi od tačke br. 1 sa koordinatama $y = 6520988$, $x = 4867400$, koja se nalazi između parcela k.č. 815 i 1909, nastavlja u pravcu istoka idući regulisanim koritom rijeke Misoče i dolazi u tačku br. koja se nalazi na parceli 1909/1, a ima koordinate $y = 6521568$, $x = 4867357$, nastavlja u pravcu juga idući uz koridor željezničke pruge (ne obuhvata je) i dolazi u tačku br. 3 sa koordinatama $y = 6521593$, $x = 4867143$, zatim produžava na zapad, jug te sjeveroistok idući planiranom saobraćajnicom (ne obuhvata je) i dolazi u tačku br. 4 sa koord. $y = 6521727$ i $x = 4866784$, koja se nalazi na spoju pomenute saobraćajnice i koridora željezničke pruge. Granica obuhvata nastavlja u pravcu juga idući uz koridor željezničke pruge (ne obuhvata je) i dolazi u tačku br. 5 sa koordinatama $y = 6522223$, $x = 4866258$, zatim ide u pravcu jugozapada sijekuću u pravoj liniji parcelu k.č. 1887 i dolazi u tačku br. 6 sa koordinatama $y = 6522195$, $x = 4866229$, zatim produžava na sjever idući zaštitnim pojasom autoceste u širini od 40m (ne obuhvata je) i dolazi do tačke br. 7 sa koordinatama $y = 6521802$, $x = 4866406$, koja se nalazi na zajedničkoj međi parcela k.č. 1753 i 1725/1, zatim nastavlja na sjeverozapad te jugozapad idući međama parcela k.č. 1753, 1739, 1737/1, 1725/2 (obuhvata ih) i dolazi u tačku br. 8 sa koordinatama $y = 6521652$, $x = 4866463$, koja se nalazi na zajedničkoj međi parcela k.č. 1943/3, 1725/2, zatim nastavlja na sjever idući zaštitnim pojasom autoceste u širini od 40m (ne obuhvata je) i dolazi do tačke br. 9 sa koordinatama $y = 6520891$, $x = 4867222$, granica obuhvata nastavlja u istom pravcu idući regulisanim koritom rijeke Bosne (ne obuhvata je) i dolazi do mjesta odakle je opis granice i počeo.

Sve gore navedene parcele se nalaze u K.O. Ilijaš Grad, Općina Ilijaš.

Površina prostornog obuhvata iznosi $P = 48,3$ ha.

Urbanističko-tehnički uslovi za izgradnju građevina i uslovi uređenja građevinskog zemljišta

Član 3.

U obuhvatu ovog Plana definisane su zone sa sljedećim namjenama:

1. Zone privrede i male privrede-radne zone ("P₁" i "P₂") 16,6 ha
2. Zone individualnog stanovanja ("S₁", "S₂" i "S₃"). 20,3 ha
3. Zona zaštitnog zelenila i rekreacije ("R") 4,8 ha (u obuhvatu ove zone nalazi se i poljoprivredno zemljište površine 1,6 ha)

4. Zaštitni pojas autoputa Vc ("Vc" 6,6 ha Površine pod naseljskim saobraćajnicama i druge naseljske infrastrukture nalaze se u naprijed navedenim namjenama.

Član 4.

Izgradnja na području obuhvaćenom granicama opisanim u članu 2. vršit će se na osnovu:

- Regulacionog plana "Luke" - Ilijaš,
- Projektnu dokumentaciju za pojedinačne objekte (građevinske parcele) sa riješenim vanjskim uređenjem,
- Tehničke dokumentacije za izvođenje objekata naseljskih saobraćajnica, te komunalne infrastrukture.

Član 5.

Urbanističko-tehnički uslovi za izgradnju građevina su:

- Građevinske parcele na kojima se planira izgradnja građevina, a u okviru definisanih namjena, označene su kao, "P" (1-50) i "S" (1-85).
- Na građevinskim parcelama označene kao "S" mogu se graditi stambene i stambeno-poslovne građevine (sa komercijalnim sadržajima i sadržajima društvene infrastrukture).
- Privredne građevine se ne mogu realizirati na ovom prostoru.
- Na građevinskim parcelama označene kao "P" mogu se graditi građevine privrede i male privrede. Stambene i stambeno-poslovne jedinice se ne mogu realizirati na ovom prostoru.

Član 6.

Uslovi za izgradnju novih građevina dati su u grafičkom prilogu broj 6. ovog Plana za svaku parcelu i moraju se ispoštovati:

- regulaciona linija,
- građevinska linija,
- spratnost, odnosno visina građevine,
- maksimalna bruto građevinska površina,
- maksimalna tlocrtna površina objekta.

Član 7.

Građevinske parcele utvrđene su regulacionom linijom i definisane su u grafičkom prilogu broj 8. ovog Plana. Građevinska linija utvrđuje dio građevinske parcele na kojoj je moguće izgraditi građevinu. Unutar građevinske linije investitor je slobodan da definiše tlocrt građevine u ovisnosti od potreba i želja. Građevinska linija se ne može preći ni jednim dijelom građevine.

Unutar površine koju ograničavaju regulacione linije moguće je uspostavljanje novih regulacionih linija u cilju grupisanja jedne ili više planiranih parcela (a sve u zavisnosti od potreba potencijalnih investitora) uz obavezno poštivanje (u slučaju nove gradnje) utvrđene građevinske linije prema saobraćajnicama. Isti uvjeti se odnose i na grupisanje postojećih građevinskih parcela.

Ukoliko je neophodna realizacija više građevina u datom prostoru onda distance između njih moraju biti minimum jedne visine naspram fasade nižeg objekta računajući od tla do vijenca objekta, ali ne manje od 6,0 m radi zadovoljenja protivpožarne zaštite.

U okviru građevinske parcele privrednih kapaciteta zastupljenost uređenih zelenih površina treba da bude 20-30 % od ukupne površine građevinske parcele.

Ukoliko je za uspostavljanje službe obezbjeđenja i recepcije neophodna izgradnja posebnog objekta isti ne može preći horizontalnu dimenziju 5,0 m x 3,0 m i spratnost prizemlja. Objekat službe obezbjeđenja i recepcije može biti građen izvan građevinske linije, ali ne izvan regulacione linije.

Nivelacione kote poda prizemlja za privredne građevine utvrdit će se na osnovu nivelacionih kota saobraćajnica ispred ulazne kapije u kompleks u odnosu na koju mora biti uvećane za

minimalno 15 cm. Visina poda prizemlja može biti i veća radi zahtjeva transportnih sredstava, ali ne može biti viša od 120 cm.

Nivelacione kote podova prizemlja za stambene i stambeno-poslovne građevine u odnosu na saobraćajnicu utvrdit će se na osnovu nivelacionih kota saobraćajnica datih u planu i moraju biti od istih uvećane za minimalno 15 cm.

U slučaju izgradnje podruma i suterena neophodno je izvršiti dodatna ispitivanja nivoa podzemnih voda za predmetnu lokaciju i obezbijede odgovarajuće tehničke mjere u cilju zaštite od istih.

Tehnička dokumentacija i realizacija novih objekata mora biti u saglasnosti sa važećim propisima i preporukama vezanim za konstruktivne elemente same građevine i neophodnih radova na okolnom terenu datim u geoinžinjerskom elaboratu.

Obim i kvalitet izvedenih radova vezanih za geoinžinjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Svi arhitektonski objekti predviđeni za izgradnju ovim Planom moraju biti oblikovani i građeni od savremenog materijala.

Na stambenim objektima, stambeno-poslovnim i objektima društvene infrastrukture treba primijeniti višesvodne kose krovove ili kombinaciju kosih i ravnih krovova. U slučaju primjene kosih krovova, dobivena potkrovlja se mogu koristiti za sadržaje koji su u funkciji primarne namjene objekta s tim da nadzidak ne može preći 50 cm od nosive ploče posljednje etaže.

Pomoćni objekti na parcelama predviđenim za privredu i malu privredu (nadstrešnice, magacini, garaže i dr.) mogu biti realizirane od čvrstog materijala kao stalni objekti. Ovi objekti se moraju realizirati u sklopu građevinskih linija, a njihova bruto građevinska površina se uzima u obzir prilikom utvrđivanja stvarnog bruto građevinske površine za odgovarajuću parcelu.

Pomoćni objekti na površinama predviđenim za izgradnju stambenih i stambeno-poslovnih objekata se mogu odobriti u okviru date građevinske linije.

Parkiranje i garažiranje vozila se mora riješiti u sklopu građevinske parcele kao otvoreni parkinzi ili samostalna ili kao dio građevine. Broj parkinga, odnosno garažnih mjesta u okviru građevinske parcele definisati će se kroz urbanističke saglasnosti u zavisnosti od namjene i kapaciteta sadržaja.

Ograda oko građevinske parcele može biti realizovana kao puni zid samo do visine 120 cm.

Zabati ili veće slobodne površine na fasadama svih objekata se mogu koristiti za postavljanje reklama, obavještenja, rasvjete, iluminacije, naziva firmi i sl. pod uslovom da se za ove potrebe izradi i usvoji projekat izgleda cjelokupnog fasadnog platna na koje se postavljaju navedeni elementi, te utvrdi da isti ne remete normalno odvijanje funkcije u i izvan građevine.

Reklamni panoi ne mogu biti postavljeni u trokutu preglednosti raskršća, i u poziciji koja ometa ili čini nepreglednim elemente javnog informisanja i sl.

Član 8.

Uređenje građevinskog zemljišta se mora izvesti u obimu i na način kako je to utvrđeno Planom, uz slijedeće uslove:

- Izgradnja građevina se ne može započeti bez prethodnog minimalnog opremanja građevinskog zemljišta, pod čime se podrazumijeva obezbjeđenje saobraćajnog pristupa građevinskoj parceli, priključenje na vodovodnu, kanalizacionu i elektroenergetsku mrežu, neophodno izmještanje vodova komunalne infrastrukture.
- Izgradnja građevina ne može započeti prije uklanjanja objekata predviđenih za rušenje. Izuzetno, može se odobriti korištenja ovih objekata za potrebe gradilišta ali se isti moraju ukloniti prije tehničkog prijema zgrade.
- Nivelete pješačkih saobraćajnica kao i prilazi i ulazi u sve objekte moraju biti isprojektovani i izvedeni sa nagibima koji omogućavaju nesmetano kretanje invalidnih lica.
- Investitor može graditi objekte na parceli koja je u njegovom vlasništvu pod naprijed navedenim uslovima.

- Pri izdavanju građevinske dozvole za arhitektonske i druge objekte potrebno je pribaviti geološki nalaz uz uslove temeljenja od stručnih institucija, a statički proračun objekta mora se definisati za zaštitu od potresa jačine 8° MCS.

Uslovi korištenja zemljišta na zaštitnim infrastrukturnim pojasevima i zaštićenim područjima

Član 9.

Na postojećim objektima u zaštitnom pojasu autoputa (u zoni Vc) moguće vršiti samo tekućeg održavanja u cilju poboljšanja sanitarnih uslova stanovanja.

Član 10.

Uslov za izgradnju novih objekata, dogradnje i nadogradnje postojećih u prostoru ispod zaštitnog koridora 35 kV i 10 kV dalekovoda je izmještanja ili kabliranja dalekovoda.

Mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja

Član 11.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Mjere zaštite prava lica sa smanjenim tjelesnim sposobnostima

Član 12.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje, nadležni organi, odnosno nadležne službe su dužne obezbijediti da se primjeni Uredba o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Uslovi uređenja zelenih i slobodnih površina

Član 13.

Ovim Planom utvrđene su kategorije zelenila:

- linijski sistem zelenila - aleje uz saobraćajnice i u zoni zaštitnog pojasa autoputa,
- zelene površine uz objekte individualnog stanovanja,
- zelenilo uz privredne objekte,
- zaštitno zelenilo uz rekreaciju i uz vodotoke,
- površine utvrđene kao neke od ovih kategorija ne mogu se koristiti za druge namjene, a niti se mogu graditi objekti koji nisu u skladu sa funkcijom koju ta kategorija zelenila treba da ostvari,
- izgradnja i uređenje zelenih površina vrši se u skladu sa prethodno pribavljenom odgovarajućom dokumentacijom.

Član 14.

U zoni zaštitnog zelenila i rekreacije vršit će se uređenje prostora i postavljanje za potrebe rekreacije.

U zoni zaštitnog zelenila i rekreacije, uz rijeku Misoča moguće je proširenje postojećeg ugostiteljskog objekta sa povećanjem bruto građevinske površine za 50 %.

Član 15.

U zoni zaštitnog zelenila i rekreacije, na poljoprivrednom zemljištu, uz ušće rijeke Misoče u rijeku Bosnu moguće je

postavljanje određenih poljoprivrednih objekata u svrhu olakšavanja poljoprivredne djelatnosti.

Odnos prema postojećim objektima

Član 16.

Na stambenim i stambeno-poslovnim objektima koji se nalaze u zonama stanovanja (S1, S2 i S3) i privrednim objektima u privrednim zonama (P1 i P2) moguće su intervencija u vidu dogradnje, nadogradnje sprata, rekonstrukcije, redizajna vanjskog izgleda objekta, kao i zamjene kompletnog građevinskog fonda.

Dogradnja, nadogradnja i izgradnja zamjenskog građevinskog fonda ne smije da pređe 50% BGP postojećeg objekta.

Građevinska linija zamjenskog objekta ili dograđenog dijela objekta mora zadržati građevinsku liniju susjednih objekata, i minimalnu udaljenost od:

- ivice susjedne parcele min 3,0 m
- susjednog objekta min. 6,0m.

Na postojećim objektima koji se nalaze van Planom utvrđene regulacione i građevinske linije (djelimično u zaštitnim pojasevima saobraćajnica) se može dozvoliti proširenje samo unutar nove utvrđene građevinske linije ovog Plana.

Za intervencije na objektima evidentiranim kao ambijentalne i skromne ambijentalne i dokumentarne vrijedno urbanističke saglasnost se donosi u saglasnosti sa Kantonalnim zavodom za kulturno-historijsko i prirodno naslijeđe Sarajevo.

Postojeći individualni stambeni i drugi objekti čije uklanjanje nije predviđeno ovim Planom, ukoliko nisu građeni na osnovu urbanističke saglasnosti i prema odobrenju za građenje, mogu se legalizovati u skladu sa odredbama Plana, zakonima i odlukama Kantona Sarajevo i Općine Ilijaš.

Član 17.

Urbanističko-tehnički uslovi za građevinske zahvate na postojećim parcelama i objektima individualnog stanovanja su:

- Zamjena stambenog fonda poslovnim sadržajima moguća je u prizemljima objekata ukoliko nova djelatnost ne utiče na kvalitet boravka u susjednim

objektima i ne ugrožava prirodnu sredinu i čovjekovu okolinu.

- Na građevinskim parcelama postojećih individualnih stambenih objekata moguće je odobriti izgradnju površina za parkiranje ili garaže uz uslov da se garaža realizuje kao dogradnja postojeće građevine ili kao samostalni objekat ukoliko za to postoje prostorni uslovi koji neće ugroziti susjede.
- Izgradnja pomoćnih objekata se može odobriti pod uslovima za izgradnju objekata iz prethodnog stava.
- Za postojeće objekte koji su predviđeni za rušenje mogu se odobriti samo radovi tekućeg održavanja.

Član 18.

Uslov za izgradnja novih objekata, dogradnje i nadogradnje postojećih u prostoru ispod zaštitnog koridora 35 kV i 10 kV dalekovoda je izmještanja ili kabliranja dalekovoda.

Uslovi pod kojim se pojedine djelatnosti mogu obavljati u planiranom prostoru

Član 19.

Promjena namjene prizemlja stambenih objekata u poslovne moguća je ukoliko nova djelatnost ne utiče na kvalitet boravka u susjednim objektima i ne ugrožava prirodnu sredinu i čovjekovu okolinu.

Ostale odredbe

Član 20.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 05-23-1210/07
25. septembra 2008. godine
Ilijaš

Predsjedavajući
Općinskog vijeća Ilijaš
Petar Ilić, s. r.

OPĆINA STARI GRAD

Općinski načelnik

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i člana 23. Odluke o izvršavanju Budžeta Općine Stari Grad Sarajevo za 2008. godinu ("Službene novine Kantona Sarajevo", broj 3/08), u skladu sa Budžetom Općine Stari Grad Sarajevo za 2008. godinu ("Službene novine Kantona Sarajevo", broj 3/08), načelnik Općine Stari Grad Sarajevo donosi

ODLUKU

O ODOBRAVANJU IZDVAJANJA SREDSTAVA TEKUĆE REZERVE BUDŽETA OPĆINE STARI GRAD SARAJEVO ZA 2008. GODINU ZA KJKP "SARAJEVOGAS" SARAJEVO

Član 1.

Za KJKP "Sarajevogas" Sarajevo za izgradnju gasne mreže u ulici Baruthana odobrava se isplata finansijske pomoći u iznosu od **11.055,43 KM** (jedanaest hiljada pedesetpet konvertibilnih maraka i četrdeset tri peninga)

Član 2.

Sredstva iz člana 1. ove Odluke odobravaju se na teret pozicije: Tekuća rezerva Budžeta Općine Stari Grad Sarajevo za 2008. godinu i to:

- iznos od **11.055,43 KM** na teret tekuće rezerve načelnika.

Član 3.

Općinska Služba za finansije će sredstva iz člana 1. ove Odluke prenijeti na žiroračun Medžlisa Islamske zajednice Sarajevo 3389002208754612 UniCredit Bank Sarajevo.

Član 4.

Za realizaciju ove Odluke zadužuje se Služba za finansije.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-5-1659/08
8. oktobra 2008. godine
Sarajevo

Načelnik Općine
Mustafa Resić, s. r.

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i člana 23. Odluke o izvršavanju Budžeta Općine Stari Grad Sarajevo za 2008. godinu ("Službene novine Kantona Sarajevo", broj 3/08), u skladu sa Budžetom Općine Stari Grad Sarajevo za 2008. godinu ("Službene novine Kantona Sarajevo", broj 3/08), načelnik Općine Stari Grad Sarajevo donosi